



XUNTA
DE GALICIA



CONVENIO DE COOPERACIÓN EDUCATIVA ENTRE A UNIVERSIDADE DE SANTIAGO DE COMPOSTELA, A FUNDACIÓN SANTIAGO APÓSTOL DE CIENCIAS SOCIALES (entidade xurídica titular da ESCOLA UNIVERSITARIA DE TRABALLO SOCIAL) E O INSTITUTO DE MEDICINA LEGAL DE GALICIA – IMELGA, PARA A REALIZACIÓN DE PRÁCTICAS ACADÉMICAS EXTERNAS CURRICULARES DO ALUMNADO DE TITULACIÓNS DE GRAO E MÁSTER UNIVERSITARIO OFICIAL IMPARTIDAS POLA ESCOLA UNIVERSITARIA DE TRABALLO SOCIAL

Santiago de Compostela na data da sinatura dixital

REUNIDOS

D. **Diego Calvo Pouso**, conselleiro de Presidencia, Xustiza e Deportes en virtude do Decreto 44/2024, do 14 de abril, actuando en nome e representación da Xunta de Galicia e no exercicio das facultades que lle confire o artigo 34 da Lei 1/1983, do 22 de febreiro, reguladora da Xunta e da súa presidencia, en relación co Decreto 136/2024, do 20 de maio, polo que se establece a estrutura orgánica da Consellería de Presidencia, Xustiza e Deportes, así como das que ao seu favor resultan dos artigos 4 e 11 do Regulamento do Instituto do Medicina Legal de Galicia (IMELGA), aprobado polo Decreto 119/2005, para subscribir convenios de colaboración que vinculen o dito instituto.

D. **Antonio López Díaz**, reitor magnífico da Universidade de Santiago de Compostela (USC) segundo nomeamento recollido no Decreto 35/2022, de 17 de marzo, actuando en nome e representación desta e en virtude das facultades atribuídas polo artigo 50 da Lei Orgánica 2/2023, de 22 de marzo, do Sistema Universitario, e do artigo 82 do Decreto 14/2014, de 30 de xaneiro, polo que se aproban os Estatutos da Universidade de Santiago de Compostela.

D^a **Teresa Facal Fondo**, con NIF: 32.748.615-L, que actúa en calidade de directora da Fundación Santiago Apóstol de Ciencias Sociais e da **Escola Universitaria de Tráballo Social (EUTS)**, centro adscrito á USC con CIF: G15666514 e con domicilio social na Praza da Inmaculada, nº 5, 3º andar de Santiago de Compostela. Actúa en virtude da escritura de poder outorgada ante o notario do





XUNTA
DE GALICIA



USC
UNIVERSIDADE
DE SANTIAGO
DE COMPOSTELA



Ilustre Colexio de Galicia D. Hector Ramiro Pardo García (nº protocolo 160) con data 9 de febreiro de 2021, que foi debidamente inscrito no Rexistro de Fundacións de Interese Galego da Xunta de Galicia.

As partes, no nome e representación en que concorren, e coa capacidade legal para este acto,

EXPOÑEN

- I. Que o Real decreto 592/2014, de 11 de xullo, que regula as prácticas académicas externas de estudantes universitarios establece no seu art. 8.1.a, a posibilidade de que o alumnado matriculado en ensinanzas impartidas pola universidade realicen prácticas académicas externas, que poderán ser curriculares ou extra curriculares.
- II. Que o Real decreto 1791/2010, de 30 de decembro, polo que se aproba o "Estatuto do Estudante Universitario", establece no seu art. 8.f) o dereito do alumnado á realización de prácticas curriculares ou extra curriculares, que poderán realizarse en entidades externas.
- III. Que os Estatutos da Universidade de Santiago de Compostela establecen (Disposición adicional primeira) que "a Universidade de Santiago de Compostela poderá contar coa colaboración de persoas profesionais externas no desenvolvemento de actividades prácticas derivadas de convenios ou acordos con ela, para impartiren prácticas tuteladas externas, segundo o que se estableza nestes convenios, e procurará o adecuado recoñecemento desta colaboración". Así mesmo, no art. 51. f) indican que unha función das facultades e escolas é a promoción e implantación de medidas para a realización de prácticas externas.
- IV. A adecuación dos programas educativos ás necesidades do mundo laboral constitúe unha das preocupacións da Universidade de Santiago de Compostela, de aí que sexa un dos obxectivos da USC complementar a súa formación teórica mediante as prácticas en entidades que lles permita coñecer a realidade laboral.
- V. Todas as partes consideran necesario un maior achegamento entre o ámbito laboral e a universidade, para facilitar a futura inserción laboral do alumnado universitario ingresado mediante a alternancia da súa formación teórica con prácticas externas, acadando ao mesmo tempo a mellor cualificación e inserción no ámbito laboral.





XUNTA
DE GALICIA



USC
UNIVERSIDADE
DE SANTIAGO
DE COMPOSTELA



- VI. Con este convenio preténdese enmarcar a cooperación educativa na que se delimiten as garantías recíprocas do alumnado e o Instituto de Medicina Legal de Galicia (en diante, IMELGA) no desenvolvemento do período de prácticas.

En consecuencia, acordan formalizar o presente convenio de colaboración coas seguintes

CLÁUSULAS

Primeira.- OBXECTO.

O obxecto do presente convenio é establecer a forma e condicións da cooperación entre as partes asinantes, para a adecuada planificación, desenvolvemento e avaliación dos programas de prácticas académicas externas curriculares (en diante, prácticas) a través dos cales os/as estudantes do grao en Traballo Social poidan complementar a súa formación teórica con formación práctica nas Subdireccións do IMELGA.

A devandita formación práctica terá como obxectivo o coñecemento por parte do alumnado da metodoloxía e técnicas do campo da titulación correspondente a través do aproveitamento da experiencia no IMELGA en áreas operativas relacionadas coa súa formación universitaria, promovendo o desenvolvemento profesional e o acceso ao mercado laboral dos futuros titulados e tituladas.

Segunda.- CONVOCATORIA DE PRÁCTICAS E PROXECTO FORMATIVO.

Realizarase, como mínimo, unha convocatoria de prácticas en cada curso académico. A realización efectiva das prácticas convocadas terá unha duración dende o mes de febreiro ate mediados de maio do curso académico correspondente.

De conformidade co artigo 24.5 do Real Decreto 1791/2010, de 30 de decembro e do artigo 6 do Real Decreto 592/2014, de 11 de xullo, os proxectos formativos das prácticas externas, contarán cunha planificación na que se fará constar: as competencias que debe adquirir o/a alumno/a, a dedicación en créditos ECTS ("European Credit Transfer Accumulation System", en galego "Sistema Europeo de Transferencia e Acumulación de Créditos"), as actividades formativas que debe desenvolver o/a alumno/a, o calendario e horario, e o sistema de avaliación.





XUNTA
DE GALICIA



USC
UNIVERSIDADE
DE SANTIAGO
DE COMPOSTELA



No anexo I deste convenio defínense os mesmos e fíxanse os obxectivos educativos e as actividades a desenvolver. Os obxectivos establécense considerando as competencias básicas, xenéricas ou específicas que debe adquirir o alumnado. Así mesmo os contidos defínense de forma que aseguren unha relación directa das competencias a adquirir cos estudos cursados.

Os proxectos formativos seguirán os principios de inclusión, igualdade de oportunidades, non discriminación e accesibilidade universal.

Terceira.- SELECCIÓN DO ALUMNADO.

O órgano previsto na convocatoria efectuará a selección do alumnado conforme os criterios establecidos, que deberán ser taxados e nos que se terá en conta o rendemento académico. No caso de que a convocatoria das prácticas non concrete a valoración dos méritos, o órgano de selección deberá elaborar e publicar os ditos criterios antes da análise dos expedientes.

A selección do alumnado que vaia realizar as prácticas externas no marco do presente convenio, corresponderá á Escola Universitaria de Traballo Social, e deberá respectar os principios de publicidade, igualdade, mérito e capacidade. Esta selección farase segundo o establecido no Acordo do Consello de Goberno do 29 de xullo de 2015 polo que se aproba o Regulamento de Prácticas Académicas Externas da Universidade de Santiago de Compostela, <http://hdl.handle.net/10347/13514>.

O número de prazas que se convoquen para realizar as prácticas determinarao a Comisión de Seguimento deste convenio e concretarase nas convocatorias que faga a USC.

A Escola Universitaria de Traballo Social deberá comunicar ao IMELGA, o número de estudantes propostos para a realización das prácticas obxecto do presente convenio, xunto coa referencia á titulación cuxos estudos están cursando actualmente e os contidos e obxectivos da formación práctica para cada un deles, cunha antelación mínima de dous meses ao inicio da actividade que se solicita.

A selección dos centros ou unidades administrativas para a realización de prácticas e o establecemento do número definitivo de alumnas e alumnos aceptados/as corresponderá ao IMELGA.

Cuarta.- REQUISITOS DO ALUMNADO EN PRÁCTICAS.





XUNTA
DE GALICIA



USC
UNIVERSIDADE
DE SANTIAGO
DE COMPOSTELA



Poderá participar nas prácticas o alumnado da **Escola Universitaria de Tráballo Social**.

Para a realización das prácticas académicas externas o alumnado deberá cumprir os seguintes *requisitos*:

- a) Estar matriculado na titulación á que se vinculan as prácticas segundo as competencias que debe adquirir o alumnado.
- b) **Prácticas curriculares:** Non ter superados os créditos vinculados a prácticas externas curriculares, e non ter realizado o depósito do título. O alumnado deberá matricular os créditos correspondentes ás prácticas curriculares adxudicadas.
- c) Non manter ningunha relación contractual co IMELGA, agás autorización expresa do órgano convocante e do IMELGA que se poderá outorgar cando as prácticas a realizar non teñan ningunha relación co contido do contrato laboral en vigor.
- d) Calquera outro requisito establecido na convocatoria de matrícula ou normativa de aplicación ás prácticas académicas externas.

Quinta.- CONDICIÓN DE RESOLUCIÓN ANTICIPADA DAS PRÁCTICAS.

Poderá ser excluído das prácticas académicas o alumnado que incumpra as actividades definidas no proxecto formativo, as directrices marcadas polo titor ou titora do IMELGA ou calquera das seguintes:

- a) Baixo grao de aproveitamento.
- b) Falta de asistencia non xustificada.
- c) Interferencia coa labor técnica do centro.
- d) Acceso a áreas ou zonas do centro para as que non estea autorizado.
- e) Causar intencionadamente danos á persoas, instalacións e/ou bens durante a realización das prácticas.
- f) Calquera outro comportamento ou actuación dunha gravidade asimilable aos anteriores.

A declaración da perda do dereito á realización das prácticas requirirá da tramitación do seguinte procedemento:





XUNTA
DE GALICIA



USC
UNIVERSIDADE
DE SANTIAGO
DE COMPOSTELA



Os/As tutores/as do IMELGA, co acordo da persoa responsable do centro no que se integre a unidade na que o/a alumna/o estivese realizando as prácticas, poderán instar o inicio do devandito procedemento nos supostos establecidos no apartado anterior.

Esta solicitude de inicio, xunto cos informes necesarios para o esclarecemento das circunstancias, será remitida ao/á titor/a da USC.

O director ou directora do centro universitario, á vista do expediente e previa audiencia da persoa interesada, ditará, de ser o caso e a proposta da Comisión Mixta de Seguimento regulada na cláusula décimo sexta deste convenio, resolución de perda do dereito á realización das prácticas e os efectos sobre a súa avaliación, sen prexuízo das accións disciplinarias que procedan. Esta resolución será notificada ao alumnado e ao IMELGA . Contra ela poderá interpoñer recurso de reposición ante a Dirección da Escola Universitaria de Traballo Social.

No caso de que as prácticas no IMELGA non se axusten ao acordado coa Comisión de Título poderán ser rescindidas. Nestes casos, a Comisión de Título ou órgano competente deberá ofrecer unha solución para completar o período que lle reste á alumna ou alumno para finalizar as prácticas.

Así mesmo, o alumnado en prácticas poderá, por causas xustificadas, solicitar a renuncia a elas, o que deberá ser resolto pola Dirección da Escola Universitaria de Traballo Social, que o comunicará á vicerreitoría con competencias en materia de prácticas académicas.

Sexta.- DURACIÓN DAS PRÁCTICAS, HORARIOS E RÉXIME DE PERMISOS.

A duración das prácticas externas curriculares será a que estableza o plan de estudos correspondente, nos termos regulados polos artigos 14 e 17 do Real decreto 822/2021, 7 do 28 de setembro, polo que se establece a organización das ensinanzas universitarias e do procedemento de aseguramento da súa calidade.

Os horarios de realización das prácticas estableceranse de acordo coas características das mesmas e as disponibilidades do IMELGA. Deberán ser compatibles coa actividade académica, formativa e de representación e participación desenvolvida polo estudante na universidade.

O réxime de permisos será acordado entre o IMELGA e o/a estudante, e deberá adaptarse ás normas que a Universidade poida establecer. En todo caso, deberán respectarse por parte do





IMELGA as obrigas que se deriven polo cumprimento da actividade académica e formativa, así como de representación e participación dos/das estudantes.

Sétima.- VINCULACIÓN DO ALUMNADO EN PRÁCTICAS CO IMELGA.

1. A relación do alumnado en prácticas co IMELGA non terá en ningún caso carácter laboral e, polo tanto, non se poderá acoller a ningunha modalidade contractual laboral das previstas no "Estatuto dos Traballadores".
2. As actividades estarán sempre orientadas á aprendizaxe práctica titorizada, polo que o alumnado en prácticas non poderá realizar tarefas de responsabilidade no IMELGA, nin as propias e exclusivas do seu persoal.
3. O IMELGA non poderá cubrir co alumnado en prácticas ningún posto de traballo, nin sequera con carácter eventual ou interino.
4. Durante o período de prácticas non se poderá formalizar ningún contrato de traballo entre o IMELGA e o alumnado.

Oitava.- ASEGURAMENTO DO ALUMNADO E RESPONSABILIDADE CIVIL.

1. A realización de prácticas académicas externas estará cuberta polo seguro escolar, sempre que se realicen en territorio nacional. Para o alumnado maior de vinte e oito anos formalizarase obrigatoriamente, ao seu cargo, un seguro de accidentes.
2. A Universidade de Santiago de Compostela dispón dun seguro de responsabilidade civil que cubrirá as posibles continxencias durante o desenvolvemento das prácticas, nos termos estipulados na póliza. Non obstante, no caso de prácticas en que concorran riscos excepcionais ou outras circunstancias, e así se considere na convocatoria, poderán contratarse seguros adicionais.
3. No caso de realización de prácticas académicas externas fóra do territorio nacional, o alumnado está obrigado a ter un seguro médico que garanta a asistencia sanitaria no país onde realizará o seu período de prácticas (Tarxeta Sanitaria Europea ou seguro privado). Con todo, as prestacións da Tarxeta Sanitaria Europea ou dun seguro privado poden non ser suficientes en caso de repatriación ou determinadas intervencións médicas, polo que se recomenda ao alumnado a contratación dun seguro complementario privado. En calquera caso, solicitaráselle





XUNTA
DE GALICIA



que acredite a tramitación da Tarxeta Sanitaria Europea ou dun seguro privado antes da súa partida. O alumnado que realice prácticas no estranxeiro deberá subscribir un seguro adicional de asistencia en viaxe que cubra, polo menos, responsabilidade civil privada, danos a terceiros, accidentes persoais e repatriación.

Novena.- INCLUSIÓN NO SISTEMA DA SEGURIDADE SOCIAL DO ALUMNADO QUE REALICE PRÁCTICAS EXTERNAS BAIXO A APLICACIÓN DO PRESENTE CONVENIO.

1. A realización de prácticas externas ao amparo do presente convenio determinará a inclusión no sistema da Seguridade Social das persoas que as realicen, que quedarán comprendidas como asimiladas a traballadores por conta allea no Réxime Xeral da Seguridade Social.
2. No caso das prácticas curriculares non remuneradas o cumprimento das obrigas de Seguridade Social corresponderá á Fundación Santiago Apóstol de Ciencias Sociais, que asumirá a condición de empresario e deberá comunicar os días efectivos de prácticas a partir da información que lle facilite o IMELGA.
3. A cotización á Seguridade Social axustarase ao establecido na disposición adicional quincuaxésima segunda do texto refundido da Lei Xeral da Seguridade Social, aprobado polo Real Decreto Lexislativo 8/2015, do 30 de outubro, para o caso de prácticas formativas non remuneradas.
4. A Fundación Santiago Apóstol de Ciencias Sociais garantirá o cumprimento do establecido nesta cláusula para cada un dos alumnos/as que, en base a este convenio, sexan autorizados polo IMELGA para a realización de prácticas nas súas instalacións.
5. Esta cláusula será de aplicación para todo o alumnado que realice prácticas externas ao amparo deste convenio a partir do 1 de xaneiro de 2025 ou, no seu defecto, a partir da data no que se asine o convenio.

Décima.- DEREITOS E DEBERES DO ALUMNADO.

O alumnado en prácticas terá dereito a contar cun titor ou titora externa do IMELGA, e un titor ou titora académica da universidade.

O alumnado en prácticas terá dereito a:





- a) Ser avaliado no desenvolvemento das súas actividades. A avaliación referirase á consecución dos obxectivos de formación que deberán ser coñecidos polo titor ou titora externa. O alumnado terá dereito a coñecer os criterios de avaliación.
- b) Que se lle imputen os créditos cursados para os efectos de finalización de estudos no caso das prácticas curriculares, sempre que contén coa avaliación positiva do seu período de prácticas.
- c) Recibir, por parte do IMELGA, información da normativa de seguridade e prevención de riscos laborais.
- d) Cumprir coa súa actividade académica, formativa e de representación e participación, previa comunicación con antelación suficiente ao IMELGA.
- e) Dispoñer, no caso do alumnado con discapacidade, dos recursos necesarios para o acceso á tutela, á información, á avaliación e á realización das prácticas en igualdade de condicións.
- f) Conciliar, no caso do alumnado con discapacidade, a realización das prácticas con aquelas actividades e situacións persoais derivadas ou relacionadas coa súa situación de discapacidade.
- g) Aquel outros dereitos previstos na normativa vixente e/ou nos correspondentes convenios de cooperación educativa asinados pola USC e, de ser o caso, a entidade xestora de prácticas vinculadas á mesma, co IMELGA.

No caso das prácticas curriculares se o alumnado, unha vez matriculado, non recibiu a formación por incumprimento do IMELGA, o centro deberá procurar a súa incorporación noutra entidade para desenvolver as prácticas dentro da mesma convocatoria. De resultar imposible, terá dereito á devolución dos prezos públicos pagados, que se realizará conforme aos procedementos da Universidade, e preferencia na asignación de prácticas na seguinte convocatoria.

Así mesmo terán os dereitos establecidos no Real decreto 592/2014, do 11 de xullo, polo que se regulan as prácticas académicas externas dos estudantes universitarios, no Real decreto 1791/2010, do 30 de decembro, polo que se aproba o "Estatuto do estudante universitario", e nos Estatutos da Universidade de Santiago de Compostela.





Durante o período de prácticas, o alumnado deberá desenvolver o proxecto formativo e elaborar unha memoria final e, de ser o caso, un informe intermedio.

Con relación ao I, o alumnado deberá:

- a) Incorporarse na data acordada e cumprir o horario previsto na cláusula sétima.
- b) Cumprir e respectar o sistema organizativo do IMELGA.
- c) Gardar o debido sexilo profesional e procesual respecto dos asuntos que coñezan na súa tarefa.
- d) Cumprir e respectar as normas de seguridade e prevención de riscos laborais do IMELGA.
- e) Cumprir con dilixencia e boa fe as actividades acordadas co IMELGA.
- f) Cumprir calquera outra prevista na normativa vixente, nos convenios de cooperación educativa asinados entre a USC ou entidade xestora de prácticas e o IMELGA.

O alumnado de prácticas curriculares estará obrigado á realización da totalidade de créditos dos que estean matriculados, de acordo co establecido no plano de estudos, para obter o recoñecemento académico.

O incumprimento das súas obrigas poderá determinar a perda automática dos seus dereitos como estudante en prácticas sen prexuízo das accións disciplinarias que procedan.

Décimo primeira.- CERTIFICACIÓN NEGATIVA DE DELITOS SEXUAIS.

En cumprimento do artigo 13.5. da Lei orgánica 1/1996, do 15 de xaneiro, de protección xurídica do menor, de modificación do Código Civil e da Lei de axuízamento civil, o IMELGA esixirá ao alumnado de calquera nivel formativo que realice prácticas externas, a certificación negativa do Rexistro Central de Delinquentes Sexuais nos mesmos termos có persoal dos mesmos.

Décimo segunda.- DEREITO Á DIGNIDADE E INTIMIDADE DOS/DAS PERITADOS/AS.

1. O alumnado está obrigado a respectar os principios éticos e deontolóxicos propios do corpo e, en concreto, os de honra, intimidade, privacidade persoal e familiar, dignidade, segredo profesional e procesual e confidencialidade.





2. O deber e o dereito ao secreto profesional abrangue toda a documentación da que o alumnado tivera coñecemento por razón de calquera das modalidades da actuación en prácticas.
3. Estes deberes de segredo profesional e procesual permanecerán mentres duren as prácticas e unha vez que finalicen.
4. O alumando, ao asinar o anexo ao convenio obrigase a respectar o documento de segredo profesional e procesual tal e como se indica no mesmo.

Décimo terceira.-TORIZACIÓN DAS PRÁCTICAS.

A cada estudante seralle atribuído un titor ou titora académica que será docente da titulación por designación do centro para cada práctica ofertada e coa misión de facer un seguimento máis directo, dar resposta ás expectativas formativas establecidas, asegurar o seu correcto desenvolvemento e avalialo de acordo co proxecto formativo e o programa ou guía docente da materia. O titor ou titora académica tamén será o responsable de avaliar ao alumnado de prácticas externas curriculares conforme os criterios de avaliación que se fixen e segundo o procedemento de avaliación establecido pola USC.

Cada estudante contará tamén cun titor ou titora no IMELGA onde realice as prácticas. Será o responsable de aplicar o plan de formación previsto e elaborar os informes de valoración que lle sexan solicitados sobre o traballo desenvolvido pola alumna ou alumno.

Décimo cuarta.- DEREITOS E OBRIGAS DOS TITORES E TITORAS.

A.- O titor ou titora externa do IMELGA terá dereito a:

1. O recoñecemento da súa actividade colaboradora e do esforzo do persoal na formación práctica, por parte da universidade de Santiago de Compostela, mediante un certificado acreditativo do seu labor de titorización segundo o modelo vixente nesta universidade como recoñecemento.
2. A recibir información acerca do regulamento de prácticas académicas externas.
3. A recibir información sobre o proxecto formativo e as condicións do seu desenvolvemento.





4. A obter a información e o apoio necesarios para o cumprimento dos fins propios da súa función.

B.- O titor ou titora externa do IMELGA terá os seguintes deberes:

1. Acoller o alumnado e organizar a actividade consonte o establecido no proxecto formativo.
2. Supervisar as súas actividades, orientar e controlar o desenvolvemento da práctica cunha relación baseada no respecto mutuo e o compromiso coa aprendizaxe.
3. Informar o alumnado da organización e funcionamento da entidade e da normativa de interese, especialmente a relativa á seguridade e riscos laborais.
4. Coordinar co titor ou titora académica da universidade o desenvolvemento das actividades establecidas no convenio, que deberán contemplar:
 - a. As modificacións do plan formativo que poidan ser necesarias para o desenvolvemento das prácticas.
 - b. A comunicación e resolución das incidencias que puidesen xurdir.
 - c. O control de permisos para a realización de exames e/ou outro tipo de actividades de carácter académico.
5. Emitir o informe final e, de ser o caso, o informe intermedio. O informe final deberá emitirse no prazo de 10 días naturais unha vez finalizado o período de realización das prácticas.
6. Proporcionar a formación complementaria que precise o alumnado para a realización das prácticas.
7. Proporcionar ao alumnado os medios materiais indispensables para o desenvolvemento das prácticas.
8. Facilitar e estimular a achega de propostas de innovación, mellora e emprendemento por parte do alumnado.
9. Facilitar ao titor ou titora académica da universidade o acceso ao IMELGA para o cumprimento dos fins propios da súa función.





10. Gardar confidencialidade en relación con calquera información que coñeza do alumnado como consecuencia da súa actividade como titor ou titora.
11. Prestar axuda e asistencia ao alumnado durante a súa estancia no IMELGA, para a resolución daquelas cuestións de carácter profesional que poida necesitar no desempeño das actividades que realiza na mesma.

C.- O titor ou titora académica da universidade terá os seguintes dereitos:

- a) Recoñecemento efectivo da súa actividade académica, sen que do devandito recoñecemento poidan derivarse en ningún caso efectos retributivos específicos.
- b) Recibir información verbo do regulamento de prácticas académicas externas, así como do proxecto formativo e das condicións baixo as que se desenvolverá a estancia do alumnado que debe tutelar.
- c) Ter acceso ao IMELGA para o cumprimento dos fins propios da súa función.

D.- O titor ou titora académica da universidade terá os seguintes deberes:

- a) Velar polo normal desenvolvemento do proxecto formativo, garantindo a compatibilidade do horario das prácticas coas obrigas académicas, formativas, de representación e participación do alumnado.
- b) Facer un seguimento efectivo das prácticas, coordinándose co titor ou titora externa do IMELGA e vistos, de ser o caso, os informes de seguimento.
- c) Autorizar as modificacións que se produzan no proxecto formativo.
- d) Avaliar as prácticas do alumnado titorizado de acordo co que se establece no artigo 25 do Regulamento de prácticas académicas externas da USC (aprobado no CG do 29 de xullo de 2015).
- e) Gardar confidencialidade sobre a información que coñeza como consecuencia da súa actividade como titor ou titora.
- f) Informar á persoa responsable das prácticas académicas externas na universidade das posibles incidencias xurdidas.
- g) Supervisar e, de ser o caso, solicitar a adecuada disposición dos recursos de apoio necesarios para asegurar que o alumnado con discapacidade realice as súas prácticas en





XUNTA
DE GALICIA



USC
UNIVERSIDADE
DE SANTIAGO
DE COMPOSTELA



condicións de igualdade de oportunidades, non discriminación e accesibilidade universal.

Décimo quinta.- MEMORIA DAS PRÁCTICAS.

Ao rematar o período de prácticas cada alumna ou alumno deberá realizar unha memoria final sobre o traballo desenvolvido, que entregará ao titor ou titora académica. O seu contido mínimo axustarase ao establecido no Regulamento de prácticas académicas externas da Universidade de Santiago de Compostela e ao modelo propio do centro, se o ten.

Décimo sexta.- PROCEDIMENTO DE AVALIACIÓN.

O titor ou titora académica, á vista do informe do IMELGA e da memoria final do alumnado, avaliará as prácticas desenvolvidas cubrindo o correspondente informe de valoración.

Décimo sétima.- CERTIFICACIÓN DO IMELGA.

No caso de que a avaliación da memoria e o informe de actuación do alumno sexan favorables, o IMELGA emitirá para cada alumno unha certificación na que debe constar o tempo de colaboración, as actividades, traballos, investigacións, etc. realizados nela. A certificación deberá especificar que carecerá de efectos académicos quedando supeditada, a estes efectos, á avaliación que realice a USC das prácticas.

Décimo oitava.- EFECTOS DAS PRÁCTICAS.

A realización das prácticas curriculares polo alumnado computará para a obtención dos títulos correspondentes co carácter establecido no plan de estudos.

Décimo novena.- PROTECCIÓN DE DATOS.

As partes comprométense a cumprir o establecido no *Regulamento (UE) 2016/679 do Parlamento Europeo e do Consello, de 27 de abril de 2016, relativo á protección de datos das persoas físicas no que respecta ao tratamento de datos persoais e á libre circulación destes datos e polo que se derroga a Directiva 95/46/CE (Regulamento xeral de protección de datos)*, así como na *Lei orgánica 3/2018, de 5 de decembro, de protección de datos persoais e garantía dos dereitos dixitais* e no resto da lexislación española aplicable nesta materia.





XUNTA
DE GALICIA



USC
UNIVERSIDADE
DE SANTIAGO
DE COMPOSTELA



O alumnado en prácticas que por razón das actividades formativas teña acceso, en calquera fase do tratamento, a datos de carácter persoal non revelará, a persoa allea ao IMELGA, información da que tivera coñecemento, nin utilizará ou disporá dela dun xeito ou cunha finalidade distinta á esixida polas accións formativas, obriga que subsistirá aínda despois de rematadas as prácticas, respondendo en caso de incumprimento do deber de segredo fronte ao IMELGA, sen prexuízo das responsabilidades que por igual causa puideran derivarse ante a Axencia Española de Protección de Datos.

Para tal efecto o/a estudante asinará co IMELGA o Anexo a este convenio no que se obrigue a cumprir o deber de segredo antes citado.

A Universidade de Santiago de Compostela (USC) protexe e garante o dereito fundamental á protección de datos e amósase especialmente sensibilizada pola salvagarda da privacidade das persoas. O tratamento de datos faise de acordo co *Regulamento (UE) 2016/679* citado, coa *Lei orgánica 3/2018, de 5 de decembro, de protección de datos persoais e garantía dos dereitos dixitais*, así como co resto da lexislación española aplicable nesta materia. Así as cousas, este tratamento responde aos principios de licitude, lealdade, transparencia, limitación da finalidade, minimización dos datos, exactitude, limitación do prazo de conservación, integridade, confidencialidade e responsabilidade proactiva.

Vixésima.- COMISIÓN DE SEGUIMIENTO.

Créase unha comisión de seguimento e interpretación do presente convenio. Intégrana por parte da USC o vicerreitor ou vicerreitora con competencias en materia de prácticas académicas externas, ou persoa en que delegue, e a persoa responsable das prácticas do centro, e por parte do IMELGA as dúas persoas que esta designe. O vicerreitor ou vicerreitora con competencias en materia de prácticas académicas externas, ou persoa en quen delegue, será a persoa interlocutora da Universidade co IMELGA en todo o relativo a este convenio.

A Comisión de Seguimento terá as seguintes competencias:

1. Resolver os problemas que presente a súa execución.
2. Interpretar e aplicar, con carácter xeral, as estipulacións deste convenio, así como controlar o seu cumprimento e resolver os conflitos entre partes.





XUNTA
DE GALICIA



USC
UNIVERSIDADE
DE SANTIAGO
DE COMPOSTELA



3. Tomar medidas en relación coas incidencias que xurdan na realización das prácticas, incluída a decisión de dar por finalizadas as prácticas para aqueles alumnos e alumnas que incumplan gravemente as obrigas inherentes ás mesmas.

4.-Determinar os períodos de tempo para a realización das prácticas curriculares.

5.- Garantir o desenvolvemento normal dos compromisos asumidos.

6.- Coordinar as accións e articular instrumentos de mellora e fórmulas de incremento da eficacia.

7.- Establecer os criterios de avaliación e control das prácticas.

8.- Propoñer addendas ou modificacións a este convenio para que sexan aprobadas polos órganos competentes.

A comisión reunirase cando así o considere necesario calquera das partes.

Vixésimo primeira.- NORMAS DE APLICACIÓN SUPLETORIAS.

A falta de determinación no convenio, seranlle de aplicación as seguintes normas:

- Real Decreto 822/2021, de 28 de setembro, polo que se establece a organización das ensinanzas universitarias e do procedemento de aseguranza da súa calidade.
- Real decreto 592/2014, de 11 de xullo, polo que se regulan as prácticas académicas externas dos estudantes universitarios.
- Regulamento de prácticas académicas externas da Universidade de Santiago de Compostela, aprobado polo Consello de Goberno do 29 de xullo de 2015.
- Plan de estudos da titulación.
- Convocatorias de prácticas externas e demais disposicións xerais de aplicación.
- Aplicación supletoria do Regulamento para a xestión de convenios e protocolos xerais de actuación na Universidade de Santiago de Compostela (aprobado polo Consello de Goberno do 30 de abril de 2021), das resolucións e acordos sobre esta materia e que non se opoñan ao Regulamento de prácticas académicas externas da Universidade de Santiago de Compostela.





XUNTA
DE GALICIA



U
SC
UNIVERSIDADE
DE SANTIAGO
DE COMPOSTELA



- De ser o caso, seranlle de aplicación as normas sobre afiliación e cotización de prácticas externas realizadas polo alumnado universitario.

Vixésimo segunda.- VIXENCIA DO CONVENIO.

O Convenio terá efectos desde a súa sinatura e a súa duración será de catro anos, e en todo caso polo tempo que duren as prácticas do alumnado, podendo prorrogarse de forma expresa para os seguintes catro anos de común acordo polas partes e en tanto non se denuncie expresamente como mínimo con tres meses de antelación.

En todo caso, non se poderá rescindir mentres existan estudantes realizando prácticas.

O convenio poderá ser modificado a proposta da Comisión de Seguimento do convenio e previo acordo das partes.

Vixésimo terceira. - RESOLUCIÓN DO CONVENIO.

Serán causas de resolución do convenio:

- a) O mutuo acordo das partes.
- b) O incumprimento das cláusulas contidas nel, tras a reunión da Comisión de Seguimento.

A denuncia do convenio poderá ser realizada por calquera das partes, debendo comunicalo por escrito coa antelación establecida na cláusula vixésima.

Unha vez extinguido o convenio deberá asegurarse ao alumnado que está desenvolvendo as actividades formativas obxecto deste acordo a posibilidade de finalizalas.

Vixésimo cuarta.- FINANCIAMENTO DO CONVENIO.

A sinatura do presente convenio non supón compromiso económico ningún para as institucións asinantes e por iso non se precisa consignación orzamentaria.

O alumnado ao amparo do presente convenio non poderá percibir contraprestación económica da Consellería de Presidencia nin do IMELGA nin será incluído no réxime da Seguridade Social por estas entidades. Conforme ao establecido na cláusula novena do presente convenio, esta obriga corresponde á Fundación Santiago Apóstol de Ciencias Sociales.

Vixésimo quinta.- XURISDICIÓN.





XUNTA
DE GALICIA



USC
UNIVERSIDADE
DE SANTIAGO
DE COMPOSTELA



As partes comprométense a resolver amigablemente as diferenzas que puideran xurdir a través da Comisión de Seguimento.

Non obstante recoñécese a xurisdición contencioso-administrativa como competente na materia, dada a natureza pública das universidades.

Vixésimo sexta.- NATUREZA XURÍDICA DO CONVENIO.

O presente convenio ten natureza administrativa e rexerese pola Lei 39/2015, do 1 de outubro, de procedemento administrativo común das Administracións públicas, e pola Lei 40/2015, do 1 de outubro, de réxime xurídico do sector público, e pola lexislación sobre a materia obxecto do mesmo.

De conformidade co disposto no artigo 6 da Lei 9/2017, de 8 de novembro, de Contratos do Sector Público, pola que se traspoñen ao ordenamento xurídico español as directivas do Parlamento Europeo e do Consello 2014/23/UE e 2014/24/UE, de 26 de febreiro de 2014, o presente convenio de colaboración está excluído do ámbito de aplicación desta lei. Non obstante, aplicaranse os principios desta para resolver as dúbidas e lagoas que puidesen presentarse.

Vixésimo sétima.- REXISTRO DE CONVENIOS, TRANSPARENCIA E BO GOBERNO.

A firma deste convenio de colaboración leva implícito o consentimento expreso das persoas que interveñen para que a Administración pública autonómica galega poida facer públicos os datos de carácter persoal e calquera outras especificacións que figuren nel, de acordo co disposto na Lei 19/2013, do 9 de decembro, de transparencia, acceso á información pública e bo goberno, e a Lei galega 1/2016, do 18 de xaneiro, de transparencia e bo goberno.

O presente convenio será obxecto de inscrición no Rexistro de Convenios da Xunta de Galicia, nos termos previstos no Decreto 126/2006, do 20 de xuño, polo que se regula o Rexistro de Convenios da Xunta de Galicia.





XUNTA
DE GALICIA



USC
UNIVERSIDADE
DE SANTIAGO
DE COMPOSTELA



E en proba de conformidade, asinan por triplicado o presente convenio no lugar e data indicados no encabezamento.

POLA UNIVERSIDADE DE
SANTIAGO DE COMPOSTELA
Por delegación do Sr. Reitor
(RR do 21-04-2022
DOG do 26-04-2022)
O Vicerreitor de Organización
Académica e do Campus de
Lugo,

Don Francisco José Fraga
López

POLA FUNDACIÓN SANTIAGO
APÓSTOL DE CIENCIAS
SOCIALES E A EUTS,
A Directora,

Dona Teresa Facal Fondo

POLA CONSELLERÍA DE
PRESIDENCIA, XUSTIZA E
DEPORTES
O Conselleiro,

D. Diego Calvo Pouso





**XUNTA
DE GALICIA**



ANEXO

ANEXO AO CONVENIO DE COOPERACIÓN EDUCATIVA ENTRE A UNIVERSIDADE DE SANTIAGO DE COMPOSTELA, A FUNDACIÓN SANTIAGO APÓSTOL DE CIENCIAS SOCIALES (Titular xurídico da ESCOLA UNIVERSITARIA DE TRABALLO SOCIAL) E O INSTITUTO DE MEDICINA LEGAL DE GALICIA - IMELGA PARA A REALIZACIÓN DE PRÁCTICAS ACADÉMICAS EXTERNAS CURRICULARES DOS ESTUDOS OFICIAIS DE GRAO E MÁSTER UNIVERSITARIO

CURSO ACADÉMICO 202...../202....

As persoas que asinan este documento manifestan que leron e aceptan as condicións e compromisos establecidos no Convenio de Cooperación Educativa subscrito entre a Universidade de Santiago de Compostela e IMELGA, e de acordo coas cláusulas contempladas no dito convenio, fan constar a seguinte información:

1.- Tipo de prácticas: Curriculares Traballo fin de grao/máster

2.- Estudante beneficiario ou beneficiaria deste Convenio

Apelidos e nome:

DNI

Correo electrónico

Teléfono

O/a estudante declara cumprir os requisitos establecidos para a realización das prácticas (cláusula terceira do convenio) así como estar ao corrente no pagamento do seguro establecido na cláusula oitava 1. do convenio (seguro escolar para menores de 28 anos; seguro específico para os maiores de 28 anos).

3.- Titulación e curso no que está matriculado ou matriculada

.....



4.- Centro de prácticas e localidade onde se desenvolverán as actividades:

.....
.....

5.- Titor ou titora académica:

D/Dona.....

con DNI.....

6.- Titor ou titora de prácticas do IMELGA:

D/Dona.....

con DNI.....

7.- Duración das Prácticas Académicas Externas (dd/mm/aa): do..... ao
..... Horas/día:, segundo a convocatoria establecida para o curso
académico de referencia.

8.- O réxime de **permisos** será acordado polo IMELGA e o alumnado, e deberá adaptarse ás normas que a Universidade poida establecer. En todo caso, deberán respectarse por parte do IMELGA as obrigas de asistencia á Universidade motivadas polo cumprimento da actividade académica e formativa, así como de representación e participación do alumnado tal e como se establece na cláusula quinta, apartado 3 do presente convenio.

9.- O **obxectivo** educativo destas prácticas é que o alumnado aplique e complemente os coñecementos adquiridos na súa formación académica, favorecendo a adquisición de competencias que o preparen para o exercicio de actividades profesionais, faciliten a súa empregabilidade e fomenten a súa capacidade de emprendemento.





10.- Proxecto formativo das prácticas (actividades, competencias, obxectivos específicos, etc.)

O proxecto formativo concreto das prácticas académicas externas reflectirase para cada caso neste apartado. O proxecto formativo terá en conta os principios de inclusión, igualdade de oportunidades, non discriminación e accesibilidade universal. O perfil e o nivel de profundización dependerán dos labores a desenvolver polo alumnado dentro do marco do convenio de colaboración. O alumnado realizará unha estada onde porán en práctica os coñecementos adquiridos, adaptándose así a unha realidade concreta do traballo día a día.

11.- Sistemas de avaliación e control: O titor ou titora académica, á vista do informe do IMELGA¹ e da memoria final da alumna ou alumno, avaliará as prácticas desenvolvidas tal e como se establece no artigo 25, apartado 4 do Regulamento de prácticas académicas externas da Universidade de Santiago de Compostela, aprobado polo Consello de Goberno do 29 de xullo de 2015.

12.- O/A estudante comprométese a cumprir coas obrigas establecidas no convenio:

- a. Incorporarse na data acordada e cumprir o calendario previsto no anexo.
- b. Cumprir e respectar o sistema organizativo do IMELGA.
- c. **Respectar os principios e éticos e deontolóxicos propios do Corpo e, en especial os deberes de segredo profesional e procesual.**
- d. **Manter a máis estrita confidencialidade sobre toda aquela información e documentación á que teña acceso como consecuencia da realización das prácticas obxecto do presente Convenio.**
- e. Cumprir e respectar as normas de seguridade e prevención de riscos laborais do IMELGA.
- f. Cumprir con dilixencia e boa fe as actividades acordadas co IMELGA.

¹Conforme ao disposto na cláusula décimo quinta, apartado B, punto 5, o informe deberá emitirse no prazo de 10 días naturais unha vez finalizado o período de realización das prácticas.





- g. Calquera outro deber previsto na normativa vixente, nos convenios de cooperación educativa asinados entre a USC ou entidade xestora de prácticas e o IMELGA.

13.- Información de protección de datos da USC:

Entidade	Universidade de Santiago de Compostela
Responsable do tratamento	O órgano responsable do tratamento é a Universidade de Santiago de Compostela. Para calquera dúbida poderá poñerse en contacto con protecciondatos@usc.gal ; dpd@usc.es
Finalidade	Xestión dos procesos de acceso á universidade, de matrícula, continuación de estudos, traslados, xestión dos expedientes académicos, dos títulos e dos cursos de posgrao, terceiro ciclo e formación continua, tramitación de reclamacións, recursos, queixas e suxestións, control económico de prezos, enquisas, prácticas, así como calquera outra actividade que se inclúa na xestión académica administrativa.
Lexitimación	Prestación do servizo público de educación superior (Lei Orgánica 2/2023, de 22 de marzo, do Sistema Universitario e Lei autonómica 6/2013, do Sistema Universitario de Galicia).
Persoas destinatarias	Poderanse ceder datos a administracións públicas con competencias na materia, e nos supostos de obrigas legais.
Dereitos	As persoas interesadas poden exercer os dereitos de acceso, rectificación, supresión, limitación de tratamento, oposición e portabilidade a través da Sede Electrónica en http://sede.usc.es/sede/publica/catalogo/procedemento/55/ver.html .
Información Adicional	A política de privacidade e protección de datos da USC pódese consultar en: http://www.usc.es/gl/normativa/protecciondatos/Politica-privacidade.html .
Transferencias internacionais	Non se prevén

O que se asina, por triplicado, en, a.....de.....de 202.....





XUNTA DE GALICIA



Titor/Titora académica,

Titor/Titora de prácticas do
IMELGA,

O/A estudante,

Asinado:

Asinado:

Asinado:

